

舊唐書

卷一百一

六

內閣文庫	漢書
九	三〇〇
元	二〇〇
七	二〇〇
冊	二〇〇
冊	二〇〇
冊	二〇〇
冊	二〇〇

內閣文庫	
番號	漢 9300
冊數	2( 1)
函號	297 153

史評

0 1 2 3 4 5 6 7 8 9

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale

C Y M

© Kodak, 2007 TM: Kodak



欽定四庫全書

舊聞證誤四卷提要



淺草文庫

臣等謹案舊聞證誤宋工部侍郎井研李心傳撰心傳博通典故語習舊章為南渡後史學之冠所著建炎以來繫年要錄與李燾續通鑑長編並稱精核已抄入史部編年類中此書則專為訂正諸家紀載訛誤而作凡所見私史小說踏驛之處皆摘取其失而辨論

之自朝廷制度沿革之大以及歲月之參差  
名姓之錯誤無不詳徵博引以折衷其是非  
使讀者確然有所依據其為功於史學者甚  
大司馬光通鑑考異而後惟此書足以繼之  
其間考證多及北宋者蓋以建炎後事繫年  
要錄注中所辨已詳故是編不更複出宋史  
藝文志載此書本十五卷自明初以來流傳  
久絕故薛應旂王宗沐等續修宋鑑沿譌襲

舛踈謬叠見皆由未見此書而然今檢永樂  
大典中所載尚夥從各韻采輯共得一百四  
十餘條謹略依時代編次排纂釐為四卷以  
備讀史之稽攷至原書體例每條先錄所據  
之文標注書名而以已見考定其下今永樂  
大典本所注書名脫漏甚多存者已什不及  
三四謹旁加搜討凡有可考者悉為注入以  
補其闕至其書名已無可考及舊聞與證誤

互有脫佚者則不敢意為增損並仍其舊云

總纂官庶子陸錫熊

侍讀紀昀

纂修官修撰陳初哲

舊聞證誤卷一

宋 李心傳 撰

建隆至天禧每朝廷大禮二府必進官天聖二年南郊

李許公懇言之乃止自是止加恩而已出宋敏求春明退朝錄按

國史太祖四郊二府加恩而已未嘗進官太宗六行大

禮惟雍熙南郊端拱藉田二府進秩其四郊但加恩貞

宗初郊惟二相進秩其後三郊兩府始遷官爾宋所記

差誤

太祖少親戎事性好藝文即位未幾召山人郭無為於  
宗政殿說書至今講官所領階銜猶曰宗政殿說書焉  
出張芸叟按國史仁宗用孫宣公之請以賈文元等四  
畫墁錄人為宗政殿說書宗政殿說書自此始抱腹山人郭無  
為乃太原宰相也宗政在太祖時為講武殿太宗太平  
興國八年五月始改

唐至五代因初京師皆不禁打繳自祥符後始禁惟親  
王宗室得打繳其後通及宰相杞密在深焚得按會要  
石林燕語

國初惟親王得張蓋太宗時始許宰相杞密使用之此  
云國初不禁又云祥符後始及把輔皆誤也

乾德元年六月命大理正奚峽知館陶縣常參官知縣  
自峽等始也注實錄建隆二年十一月以祠部郎中王  
景遜為河南令不知諸書何故乃言知縣始此豈令與  
知縣不同乎出李燾按京朝官出為赤縣令者不復帶  
長編本官自唐以來皆然如建隆四年以水部員外郎李璵  
為浚儀令紫自牧以兵部員外郎為令之類至是

奚峽始帶大理正出知館陶縣故史臣云常參官知縣  
自峽始也然建隆二年六月甲寅曹州寬甸令曹陟以  
清幹擢九拾遺知縣事又在奚峽之前則常參官知  
縣不自峽始矣豈非陟以就任改秩之故不得為事始  
而史臣特取常參官自京都出知外縣者而記之耶大  
抵國初之制朝官出為縣令則解內職朝官出為知縣  
則帶本官由此言之令與知縣不同甚明

乾德三年春平蜀蜀宮人有入掖庭者太祖覽其鏡背

云乾德四年鑄上大驚以問陶竇二內相二人曰蜀少  
主嘗有此號鏡必蜀中所鑄上曰作宰相須是讀書人  
自是大重儒臣

出劉貞父詩  
按闕

王晉公祐事太祖為知制誥太祖遣使魏州以便宜付  
之告之曰使還矣卿王傳官職時溥為相也蓋魏州節  
度使符彥卿太宗夫人之父有飛語聞于上祐還以百  
口保彥卿帝怒貶護國軍行軍司馬華州安置七年不  
召太宗即位以兵部侍郎召不及見而薨初赴貶時親

溥

坐

賓送于都門外謂曰意公作王溥官職矣祐笑曰祐不  
 做兒子二郎必做二郎者文正公旦也出邵伯温  
 聞見前錄按因  
 史闕竇二年二月以知制誥王祐知潞州七月魏帥符  
 中令彥卿移鎮鳳翔八年王公自潞州移守魏此時王  
 祁公罷相已六年晉公竇自上黨徙魏不應云奉使還  
 兵卿王溥官職也符令傳云行至河南以在告滿百日  
 免明年李莊武繼勳鎮大名即魏州晉公移襄州潭州  
 代還知吏部選事六年生忤參知政事盧後遜貶華州

塵

司馬不應云自魏州使還即貶也晉公奉傳太平興國  
 三年自華州起知河中府六年召為左司員外郎八年  
 遷中書舍人雍熙三年知開封府四年以病罷為兵部  
 侍郎據此則晉公自華陰再起恰十年邵謂太宗即位  
 以兵部侍郎召不及見而薨者謬誤尤甚  
 本朝父子狀元及第張去華子師德梁灝子固而已出  
 王  
明清揮按開寶二年安德裕狀元及第五年子守亮繼  
塵前錄之凡三家仲言遺其一耳

石林燕語云國初取士猶用唐故事禮部放牘闈寶六年李文正知舉下第進士徐士庶擊鼓自訟詔盧多遜即講武殿覆試於是再取宋準而下二十六人自是遂為故事辦之時以李瑩侯陟却益考試通得一百二十七人並放及第此云盧多遜覆試又云再取宋準而下二十六人皆非出汪端明辦按是舉覆試凡得進士二十六人明經三十人明禮十人三史三人學究十八人明法五人總諸科為百有二十七葉公所云專指進士

汪公并諧科言之是以不同也

上命曹彬潘美曹翰收江南以沈倫為判官臨行朝辭赴小殿燕饒酒半出一黃帕文字顧彬曰汝實儒將潘美曹翰殊悍恐不能制不用命者望朕所在焚香啟之自有處置諸人惶恐汗下沿路或欲攻劫及江南城破李主出降二人皆欲面縛之曹王以所授敕欲宣讀事遂解如此者數四功成還朝曹王面奏沿路及至軍前將佐皆用命一心乞納所降特敕後有旨宣赴後苑酒



半諸人起納敕上令潘美啟封曹翰執讀執政環立展  
示乃一張白紙裏皆失色上笑再命飲極歡而退出建隆遺事  
按此一事諸雜記多言之互有不同然以史考之有  
可疑者太祖實錄開寶七年九月癸亥命潁州團練使  
曹翰率兵先赴荆南丙寅以宣徽南院使曹彬馬軍都  
虞侯李漢瓊判四方館事田欽祚同率軍赴荆南領戰  
棹兵沿江而下丁卯以山南東道節度使潘美步軍都  
虞侯劉遇東上閤門使梁迥並領軍赴荆南十月壬辰

昇

彬等離荆南甲辰以彬為并州西南面行營馬步軍戰  
棹都部署美為都監翰為先鋒都指揮使當出軍時曹  
潘二公蓋先後受命然武惠嘗平嶺南為大將恐太祖  
不應有是言沈倫者本名義倫時已為集賢相太宗即  
位去義字此云沈倫為判官妄也沈相乃伐四川時為  
轉運使耳江南既平曹翰攻江州尚未下九年五月屠  
之六月賞功為桂州觀察使判潁州蓋翰未嘗還朝此  
云美啟封翰執讀亦誤矣意者太祖此旨為曹翰田欽

祚輩設而傳者失之不可不辨

太祖遣曹彬取江南潘美為副太祖知美有謀難制及

二人升殿詔曰但大使斬得副使取得江南美震怖而

出由是迄無敗事

出祖宗獨斷

按國史曹彬以宣徽使行潘

美以山南東道節度使美不遇嗣也太祖所言蓋諭彬

之副田欽祚等爾

曹彬潘美伐太原將下曹麾兵稍却潘力爭進兵曹終

不許既歸至京潘詢曹何故退兵不進曹徐語曰上嘗

親征不能下下之則我輩速死既入對太祖詰之曹曰

陛下神武聖智尚不能下臣等安能必取帝領之而已

太祖親征太原不能下開寶二年春也時曹武惠

實掌兵扈駕明年命潘武惠伐嶺南四年嶺南平留知

廣州五年魚嶺南轉運使六年還朝七年兵曹武惠同

伐江南諸國八年克之九年還朝是歲太祖崩二公未

嘗共伐太原也

闕書

按史開寶元年嘗伐北漢李繼勳

為大將曹王為都監然上親征乃在次年此云神武聖

智尚不能下蓋誤也太平興國四年曹王為杞密使潘  
武惠為北面都招討制置使二公同行然是歲太宗乃  
親平大原亦與此錄不合又按平晉之歲太宗親征幽  
州不能下雍熙三年曹潘二王同出亦無功疑所云神  
武聖智不能下者指此然是役也曹出山前潘出山後  
潘克雲中五郡以曹失律遂班師實不同行此云曹麾  
兵稍却潘力爭亦非也曹既失律召還下吏責為衛將  
軍潘屯雁門如故久之乃入朝此云既還京曹語潘云

云亦繆

開寶後命中書杞密皆書時政記以授史官

出葉夢得  
石林燕語

按實錄景德三年五月丙午杞密院始置時政記月終  
送中書用王文穆陳大忠之請也大中祥符中又命直  
送史館非始于開寶後葉誤矣

太祖即位後有旨諸房子並稱皇子皇女有言恐無差  
別上曰猶子即子也新得天下便生分別朕不欲為也  
至太宗即位命皇子皇姪矣

闕書  
名

按史太平興國七年

以前燕秦二王及魏悼王之子皆稱皇子故魏悼王長子德恭初除貴州防禦使稱皇第四子英德昭德芳同而其長女亦封雲陽公主女壻韓崇業除右衛將軍駙馬都尉循故事也七年夏魏王得罪下詔削其子女封爵且云德恭德隆宜稱皇姪於時燕秦二王已薨此云太宗即位分皇子皇姪蓋誤也

國初取進士循唐故事每歲多不過三十人太宗初即位天下已定有意于修文特取一百九人自唐以來未

有也辨之因初取進士每歲有不特三十人者

出汪端明辨石

林燕語按太祖一朝放進士十五榜李肅榜六人劉察榜

七人蘇德祥李景陽張拱榜皆八人劉蒙叟柴務成安德裕安守亮榜皆十人張去卒劉寅榜皆十一人高適榜十五人楊礪榜十九人宋準榜二十六人惟開寶八年王嗣宗一榜放三十一人業不誤也

太宗初即位張齊賢方赴廷試太宗欲其居上甲而有司偶失檢選置于丙科帝不悅有旨一榜盡與京官通

判文定得將作監丞通判衡州不十年任宰相矣出邵

前錄聞見按會要太宗所取進士太平興國二年呂文穆蒙

正榜凡五人第一等除將作監丞今之宣義郎第二等

除大理評事今之承事郎並通判諸州三年胡秘監且

榜七十三人五年蘇參政易簡榜百一十八人皆倣此

例邵氏謂以文定故一榜盡與京官通判者謬也文定

實呂文穆榜第一等及第是時止分兩等安得有第三

甲也後十五年文定乃拜相

燁

舊時見任官應進士舉雖中選止令遷官而不賜科第

不中者則停見任其愛惜科名如此自淳化後遂皆賜

第辨云太平興國五年單鍊周繕賜及第餘皆節度掌

書記非皆不賜第也出汪端明辨此所辨未盡按史不

中者停見任乃雍熙二年宋惠安李文正兩相之請非

舊皆如此也真宗天禧二年既申嚴其制劉煜知制誥

又請已受蔭者不許鎖試不行明年禮部貢院奏鎖廳

不及格人姓名詔罰金十觔今後不得應舉天聖四年

宋宣獻為翰林學士又請不及格人許再取舊從之蓋自雍熙至天聖四十餘年未嘗有停任者

知

太平興國六年九月以石熙載充樞密使注熙載以文

資正官充使不如常檢校官否摠實錄會要不帶檢校

官乃自錢惟演始

出李燾長編

按石公初自朝散大夫刑部

侍郎除中散大夫戶部尚書充使又自金紫光祿大夫

戶部尚書罷為僕射皆不帶檢校官蓋前此文臣惟趙

韓王嘗充而不帶正官至是以尚書代檢校官也及祥

符中陳文忠王文穆並使真皇眷之厚乃不去正官而加檢校太尉自是寇萊公丁晉公馮魏公輩皆國之大臣謂不帶檢校官自錢文僖始蓋引祥符以來迫例失于參考耳

太宗時宋白賈黃中呂蒙正李至蘇易簡五人同時拜翰林學士承旨扈蒙贈之以詩曰五鳳齊飛入翰林其後蒙正為宰相黃中至易簡參知政事宋白官至尚書老於承旨皆為名臣

出政陽修歸田錄

按國史此太平興國八

年五月事也實太子文恭穆與宋賈呂李五公同翰林  
後二年蘇易簡始為學士

縣吏受郡事而下之縣者今皆曰祗候典記也皇朝會  
要唐藩鎮皆置邸京師謂之上都留後院大歷十二年  
改為上郡知進秦院據言夏侯牧僕曰擬作西川留後  
官以此言之乃循唐藩鎮留後吏目以為稱當曰知後  
典也此闕書名而證誤云泰之所云或是魏泰東軒筆錄也按皇朝會要宋初緣  
舊制藩鎮皆置人為進奏官軍監場務轉運使則差知

都

後官或副知掌之太平興國八年汰進奏知後官存百  
五十人並充進奏官罷知後官之名咸平五年復令進  
奏官各置守闕副知一名泰之所云祗候典當為知後  
者是矣而以為法唐藩鎮吏目以為稱則誤蓋知後官  
之名乃國初所創下於進奏官一等非唐之舊名也  
朱希真云太平興國中諸降王死其舊臣或宣怨言太  
宗盡收用之寘之館閣使修羣書如冊府元龜文苑英  
華太平廣記之類廣其卷帙厚其廩祿贍給其役其心

塵

禮部言言卷一

多卒老於文字之間出王明清揮塵後錄按會要太平興國二年

命學士李明遠扈日用偕諸儒修太平御覽一千卷廣

記五百卷明年廣記成八年御覽成九年又命三公及

諸儒修文苑英華一千卷雍熙三年成其修者乃李文

恭穆楊文安徽之楊杞副斫賈參政黃中李參政至呂

文穆蒙正宋文安白趙舍人鄰幾皆名臣也楊文安雖

貫浦城然恥事偽廷舉後周進士第江南舊臣之與選

者特湯光祿張師黯徐鼎臣杜文周吳正儀等數人其

後湯徐並直學士院張參知政事杜官至竟圖閣直學

士吳知制誥皆一時文人此謂多老於文字之間者誤

也當修御覽廣記時李重光尚亡恙今謂因降王死而

出怨言又誤矣冊府元龜乃景德二年王文穆楊文公

奉詔修朱說甚誤

張融自密直守蜀歸為樞密副使建第差壯麗太宗一

日語融曰聞卿建第甚雄朕方要一庫未成可輟之融

即日遷居佛寺今新衣庫是也出王鞏聞見近錄按陳和叔拜

舊開登吳卷



罷錄太宗朝副樞密者凡十七人但有張遜張宏無張融也成都知府題名記太宗時亦無張融但有張忠定耳定國恐誤

寇忠愍為執政尚少太宗嘗語人曰寇準好宰相但年尚少耳忠愍乃服何首烏而食三白鬚髮遂變於是拜相出王鞏按寇公以淳化二年入宥府時年總三十一四年以疾張遜不協罷五年復為參知政事至道二年又罷真宗咸平六年除三司使景德元年八月自三司

拜相時年四十四矣此所記皆誤

錢公若水為樞密副使時呂相端罷太宗明日謂輔臣曰聞呂端命下哭泣不已錢公厲聲曰安有此退謂諸公曰我輩眷戀爵祿上見薄如此遂力請罷闕書此亦繆誤按錢公以至道元年正月除同知樞密院事四月呂公相三年三月太宗崩六月錢公罷咸平元年十月呂公免相皆與此不合

唐有翰林侍書學士柳公權嘗為之太宗以王著為衛

尉寺丞史館祇候使詳定急就章等後遂以為翰林侍  
書而不加學士之名蓋惜之也出葉夢得石林燕語按柳誠懸書  
何進滔等碑並云翰林學士承旨兼侍書無學士字唐  
史本傳誠懸初為侍書學士取以技進求換散秩改弘  
文館學士文宗立復召侍書充書詔學士據此則侍書  
帶學士或不帶未足為重輕况國初翰林侍讀侍講亦  
不帶學士字與侍書同非謂新之也  
咸平元年上自即位以來夜則召儒臣詢問得失或至

真

夜分其後率以為常法聖政錄云召侍講侍讀學士二  
年七月始置講讀學士此時未有今改為儒臣庶不相  
妨出李燾長編按翰林侍讀學士唐開元中置王涯權德輿  
等嘗為之後廢太平興國中太宗復置翰林侍讀以呂  
文仲為之尋又改為侍講迄真宗不易其任石守道所  
謂講讀學士即指此爾  
張忠定為御史中丞彈奏張丞相齊賢齊賢深以為恨  
言於上曰張詠本無文凡有申奏皆婚家王禹偁代之

禹偁前在翰林作齊賢罷相制其詞醜詆故并欲中傷之公聞自辨因以所為文進上大悅案

祖宗時雖有磨勘法然自朝官以上悉中書行之蓋以別流品耳至道二年太宗祀南郊百官皆進秩時寇萊公參知政事素所喜者多得臺省清要官所惡及不知者即序進之廣州左通判右正言馮拯轉虞部員外郎右通判太常博士彭惟節乃轉屯田員外郎惟節自以素居馮下章奏列銜皆仍舊不易萊公怒特詔馮毋得

亂經制馮憤因上疏極論寇公擅權太宗由是怒尋命出守此國史所書也仲言謂磨勘吏部成法非宰相所專乃元豐官制後事宜可謂蔡書抵牾耶此所引王明清語按今郎官二十四階易以三朝郎右正言太常國子博士階易以一承議郎故磨勘止在吏部而已蔡書誠有抵牾者不在此條

王沂公青州發解及南省廷試皆為第一中山劉子儀時為學士戲語之曰狀元試三場一生喫著不盡公正

色曰曾平生之志不在温飽

出魏泰東軒筆錄

按國史沂公以

咸平五年第進士後十八年劉子儀始為學士按劉子

儀咸平元年及第在沂公前四年耳天禧四年子儀為

學士此時沂公執政久矣

寇忠愍公判天雄軍王文康公為轉運使奏公僭侈太

宗怒問翰林承旨王明明曰此駭耳太宗從之公後以

女適文康及謫雷州賴文康當國故得不死出蔣魏按

寇公在長安走馬承受奏其僭侈真宗以問王魏公旦

曰

旦奏云云及謫雷州王文康為密直亦坐累免蔣誤記也又國史寇公判天雄乃祥符初事是時晁文元李昌武揚大年在翰苑亦無王明明初自右職換禮部侍郎未嘗入北扉不知蔣何以鹵莽如此

王文正李文定俱秉政文定曰外寧必有內憂三十年後東封西祀方在公等之手吾不見也文正為相果有東封西祀之事見曲洫舊聞按契丹講和在景德元年後十二年李文公始自陝西都轉運使入翰林為學士此事當

指李文靖

真宗既與契丹和親王文正公問于李文靖公曰和親何如文靖曰善則善矣但恐人至後心生耳文正亦未以為然及真宗晚年多事巡遊大修宮觀文正乃潛歎曰李公可謂有先見之明矣國書按國史景德元年十二月契丹平此時李文靖之薨久矣

王沂公久在外意求復用宋宣獻為參知政事甚善呂許公許公時為昭文相為沂公言曰孝先求復相公能

容否呂公許諾宣獻曰孝先於公文契不淺果許則善待之不宜如復古也謂李呂公笑然之遂奏言王曾有

意復入上許之呂公願以首相處之上不可許以亞相乃使宣獻問其可否沂公無所擇既至呂公專決事不出蘇轍龍少讓二公又不協川別志按國史景祐元年八月癸

亥杞密使王文康公薨是月庚午台王沂公於河南為樞密使明年三月李文定公自集賢相罷沂公以次輔代其位恐非求復入也癸亥庚午相去七日爾宣容往

來問可否耶既因人而求相又居右而不擇沂公決不  
然文定所記疑得之張宣徽大不可據

孟

真宗大漸之夕李文定與宰相以祈禳宿內殿時仁宗  
幼冲一大王元儼有威名以問疾留禁中黑日不肯出  
執政患之偶翰林司以金盃貯熱水曰王所需也文定  
取案上墨筆攪水中蓋黑令持去王見之大驚意其有  
毒也即上馬去出邵伯溫按真宗以乾興元年二月崩  
此時李文定得罪點知鄆州久矣

熟疑

祐

杞密使罷政降麻熙寧間呂穆公弼因爭新法求去王  
安石陰沮之只送舍人院命詞此恩例遂廢闕書按國  
朝故事杞密使以使相若節度使罷又杞密使帶平章  
事而罷為散官則學士院降麻若杞密使不帶平章事  
而以散官罷則止舍人院命詞考之實錄太平興國六  
年楚景襄罷為上將軍皇祐五年高文莊嘉祐四年田  
宣簡罷為觀文殿學士皆不降麻惟太平興國八年石  
元懿以僕射罷太宗眷之厚乃降麻耳外此降麻者十

八人吳侍中李元靖曾武惠王忠肅寇忠愍曹襄悼錢  
文僖張榮僖楊恭毅王康靖夏文莊秋武襄王武恭賈  
文元宋元憲張康節富文忠文忠烈蓋皆以使相若節  
度使罷故誕告焉大中祥符七年王文穆陳文忠罷為  
尚書八年陳文忠再罷為僕射皆降麻者以二公悉帶  
平章事故也若楚景襄等則皆不降麻舊典明甚豈特  
呂宣徽哉况呂以親文殿學士罷正與田高二公所除  
官同似非介甫沮之也淳化二年王顛罷蘇易簡草麻

蓋以建節之故

諫議大夫張師德謁向文簡公曰師德兩詣王相公門  
皆不得見恐為人輕毀望公從容明之一日方議知制  
誥公曰可惜張師德向公曰何謂公曰累於上前說師  
德名家子有士行不意兩及吾門狀元及第榮進素定  
但當靜以待之耳若復奔競使無階而進者當何如也  
向公方以師德之意啟之公曰某處安得有人敢輕毀  
向公自稱師德適有闕望公弗遺公曰第緩之使師德

貪

知聊以戒貪進激薄俗也

出王文正遺事

按實錄張尚賢以大

中祥符四年十一月及第掖垣叢志尚賢以天禧二年

十一月知制誥此時及第才七年耳前一年王公已免

相是時閣下乃盛文甫度劉子儀陳知微王章惠隨夏

文莊疎凡五人若有闕則尚賢資甚淺恐亦未入議中

曾子固隆平集云尚賢守道不回執政不悅在西掖者

九年如此則似非奔競者

真宗大中祥符六年十二月張齊賢卒齊賢以右僕射

奉朝請與宰相向敏中爭娶薛惟吉妻敏中坐此罷

名中此咸平五年十月事也張公實判永興軍今云僕

射奉朝請蓋誤

楊文公在禁林真宗欲立章獻為后朝議欲得公作冊

文使丁晉公論旨召至中書扣所坐之床曰幸得聯此

坐矣公曰相公失言竟不撰冊公亦罷去王文正在中

書時已立章獻為宸妃矣公亦短之闕書按本朝故事

中宮冊文多命二府大臣為之學士但制耳然章獻



為后時實不受丹文公蓋不草制也况是時王文正公  
為首相丁崖州但參知政事何以独召文公至中書諭  
旨耶章獻但為德妃明道初始創宸妃之名以封章懿  
此亦誤也

劉子儀在南陽以翰林學士召中途改知成都彌年又  
召為學士至西京復加兩學士知鄭州謝表云蓬山已  
到屢為風引而回長安甚遙但覺日邊之近闕書按因  
史劉子儀天禧四年自正字除翰林明年出守合肥乾

永當作未

曾

興元年復入翰林頃之以中丞罷又知汝陰天聖五年  
三入為學士承旨六年知廬州以老罷八年薨據此子  
儀實三入翰林永嘗守南陽成都及鄭州亦未嘗加兩  
學士會記誤也據此謝表乃宋子京然宋實自真定移  
守成都自成都召為三司使以言者論列改三學士知  
鄭州亦與曾所記不合

國朝宰執未有兼東宮職事者天禧末仁宗初立為皇  
太子命宰相丁謂馮拯兼少師以傅杞密使曹利用兼

少保而任中正王曾為參政錢惟演為杞副皆魚賓客  
前此所無也出策夢得石林燕語按仁宗初立為太子李文定以  
參政兼賓客後二年李選集賢相魚少傳其年十一月  
皇太子聽政遂命宰執悉魚東宮官兼所云誤  
王沂公當軸尤抑奔競張師德久次館閣博學有時望  
而不事造請最為魯簡甫公深知一日中書議除知制  
誥一人魯盛稱張才德沂公以未識為解魯屢諷張往  
見沂公公辭不見他日謂魯曰張君器識德行足以為

此但尚有請謁耳逾年方命掌誥沂公之取人如此故

當時士大夫務以冲晦自養

出澠水燕談

此尤謬誤張尚賢

入西掖戊午冬也王孝先拜相魯貫文參大政壬戌秋  
也相去五年矣

宋綬草丁謂貶詞曰魚將之戒深著於魯經不道之誅

難逃於漢法天下快之

出丁謂傳

按實錄載論詞首云魚將

之戒舊典甚明不道之辜常行罔赦此承龍川志之誤  
而不之考

丁晋公自平江軍節度使除兵部尚書參知政事節度使當降麻而朝議惜之遂止以制除近者陳相執中罷使相除僕射乃降麻廢相籍罷節度使除觀文殿大學士又不降麻蓋無定制也出政陽修歸田錄按唐制節度使除僕射尚書侍郎詔之納郎皆不降麻止舍人院出制因朝故事罷使相則降麻趙韓王陳恭公富文忠賈文元王文公是也罷節度使則不降麻李從善李元靖丁晋公廢莊敏是也安得詔無定制哉韓忠獻自武康軍節

節

度使除三司降麻非舊制也蓋中書之誤而學士無正之者又丁自保信軍節度使除吏部尚書參政此云自平江節度除兵部亦誤

祖宗朝宰相罷免惟趙中令得使相餘多以本官歸班參杞亦然天禧中張文節始以侍讀學士知南京天聖中王文康以資政殿學士知陝州自慶歷後解罷免率皆得職焉出宋敏求春明退朝錄按參知政事罷政得職名自景德二年王文穆始慶歷以前執政若薛簡肅宋宣獻李

康靖晁文莊之流皆得資政殿學士蓋祖宗故事參  
善罷例皆進秩太宗執政三十九人惟王永圖陳晉公  
李文靖賈弼民寇忠愍溫恭甫六人以本官罷外此無  
不進秩者

章郇公以侍郎為參知政事呂申公鄙其為人時宋宣  
獻以尚書為樞密副使申公即以為參知政事欲以逼  
公公之親友皆勸公引去公不為動久之宣獻卒乃求  
避位申公深愧之言於仁宗留之不遣及申公薨公遂

兼政闕書案此一段謬誤尤甚據國史章文獻景祐三

年自學士承旨除同知樞密院寶元元年拜相未嘗為  
參政也又章拜相乃繼王章惠陳文惠之後此時呂文  
靖為北京留守實未薨章呂未嘗相繼兼政宋宣獻明  
道二年以侍郎參知政事是時章郇公才入翰苑康定  
元年宋宣獻以尚書再為參政是時章郇公已位丞相  
宋公嘗知樞密院事亦未嘗為副樞也

舊聞證誤卷一

*[Faint bleed-through text from the reverse side of the page]*

舊聞證誤卷二

宋 李心傳撰

仁宋天聖元年正月壬午度支副使陳堯佐兼知制誥  
故事知制誥皆先召試於中書堯佐預修真宗實錄特  
免試焉出李燾長編按葉夢得避暑錄話本朝知制誥循唐  
制不試雍熙初太宗以李文靖公沆與宋湜王化基為  
之化基上章辭不能乃使中書並召試制誥二首遂為  
故事宋元憲撰掖垣叢志言梁周翰老於文學楊億望

實素著克佐以與修真錄皆免試焉歐陽公謂有國百  
年不試而命者才三人蓋誤也其後蘇子瞻劉貢父許  
冲元鄧温伯亦不試而除

章懿之崩晏殊撰志文曰生女一人早卒無子仁宗恨  
之及親政內出志文以示宰相呂文靖解之上默然乃  
命殊出守金陵如許公保全大臣真宰相也及殊作相  
八王疾革上往問疾王曰叔久不見官家不知今誰作  
宰相上曰晏殊也王曰此人名在圖讖胡為用之上并

記志文事欲重黜殊宋祁草麻力爭之乃降二官知潁  
州詞曰廣營產以殖私多役兵而規利以他事罪之殊  
免深譴祁之力也出蘇轍電按國史明道二年三月章  
獻崩四月乙未宰相呂夷簡判澶州執政晏殊等五人  
皆遷一官罷恐非緣志文事也是時許公例罷去安得  
救解元獻耶慶歷四年正月燕王薨九月晏公乃罷相  
實用蔡君謨孫之翰章疏也殖私規利亦章疏中語文  
定所記二事皆誤

愛

賦 醒

曾布云晏元獻當國宋子京為翰林學士晏受宋之才  
 雅欲旦夕相見遂稅一第於旁近遷居之遇中秋啟宴  
 召宋出妓飲酒賦詩達旦方罷翌日晏罷相宋當艸詞  
 頗極詆斥至有殖私規利之語方子京揮毫之際宿醒  
 尚在左右觀者亦駭歎按殖私規利章疏中語也元獻  
 實以九月十二日罷去中秋遠矣蘇子由謂景文救解  
 元獻曾子宣謂景文詆斥晏公二者皆誤  
 明道二年七月有証諫官陰附宗室者往時孫祖德知

諫院范仲淹為左司諫不知宗室謂誰當考

出李燾長編 按

范文正自開封貶知饒州呂夷簡執政以仲淹嘗密請

立皇太弟姪此景祐三年四月事也距明道才三年耳

長編寶元元年亦載此事 宣諧者之言久已先入耶

往時學士入劄子不著姓但云學士臣某先朝盛度丁

度並為學士遂皆著姓以別之其後遂以為故事出公

歸田錄 按學士年表盛文甫景祐二年已遷參知政事明

年丁文簡始入翰林二公未嘗並直也

仁宗時一歲大旱時相希温成皆

時相詔賈文元請出官人以

弭災上從之雨未應上問臺官李柬之柬之曰惟策免

之議未行耳是夕鎖院時相出判北京雨遂霽

出王鞏聞見近

錄按賈文元之罷用中丞高文莊之議也文元與吳正

肅公不協數爭事上前文莊謂大臣廷爭為不肅則雨

不時若因而罷之國史所載如此

慶歷中鄭天休諸公復會李氏第既退達曉道遇李翰

林造朝事遂喧傳言者論之宰相呂許公曰臣觀赴會

召

者姓名皆舉朝賢俊安得許多人代之願名至中書戒

勸上從之既召諸公無一人至者

出王鞏聞見近錄

按慶歷元

年五月庚午樞三司使葉清臣知江寧府卒未參知政

事宋庠知揚州樞密副使鄭戩知杭州時宰相以庠戩

清臣皆同年及第而並據要地以為朋黨故出之此仁

宗實錄中語也時呂公位昭文定國之言為呂公地耳

然鄭文肅宋元憲皆已執政可召之戒劾耶

張安道云呂許公免相晏元獻為政富鄭公自西都留



郇

守入參知政事深疾許公乞多置諫官以廣上聽上乃  
嚮之而晏公深為之助乃用歐陽修余靖蔡襄孫沔等  
為諫官諫官之勢自此日橫於是私說遂勝而朝廷輕  
矣出蘇轍龍川別志按慶歷三年三月戊子呂公罷章郇公晏  
元獻並相富鄭公自侍讀學士除副樞密固辭癸亥王  
懿敏歐陽公余襄公並知諫院此時富公未受命也四  
月己酉蔡君謨知諫院八月丁未富公始復樞密副使  
孫威敏公慶歷元年已知諫院此時出為兩浙提刑張

公誤記矣

慶歷中親事官乘醉入禁中仁宗皇帝遣諭皇后貴妃  
閉閣勿出后謹聽命張貴妃直趨上前明日上對輔臣  
泣下輔臣亦泣者相陳恭公毅然無改容上謂貴妃冒  
不測而來斯可竊也杞相乘間啟廢立之議張文定得  
其說即詣恭公以為不可恭公持議甚堅久而上復問  
之梁相適進曰一之已甚其可再乎聲是屬既退上留  
適曰朕止欲稍加妃禮本無他意卿可安心羣論遂止

首

出王鞏聞見  
迎錄 案闕

陳恭公當國曾魯公由修注除待制恭公弟婦王冀公  
孫女曾出也恭公謂婦曰曾三從官喜否答曰三舅甚  
荷相公收錄但太夫人不樂責三舅曰汝三人及第必  
是全廢學及相姻家備知之故除待制也恭公默然未  
幾改知制誥蓋恭公不由科舉失於夷考耳闕書按曾  
魯公自修注當遷舍人時首相賈文元與曾皆陳崇公  
克咨之婿以親嫌為請乃除待制慶歷五年也明年文

元罷曾復為舍人趙所記差誤

慶歷八年三月甲寅御史中丞魚周詢答手詔所問居  
數日復上對曰近抵密院改內省條令似與曩者負罪  
之人預為復進之地中外喧然以為不可抵密院改內  
省條令不見於實錄當考出李燾長編按此月丙寅詔抵密  
院內臣諸司使副在邊五年而無過者遇帶御器械闕  
以名次取旨帶御器械五年而無過者遇內侍省押班  
闕亦如之其內侍押班以上並聽特旨乃除此仁宗實

過

錄所載也丙寅在甲寅後十二日周詢所條對當在三  
數日後其復上對又居數日則所言必指此耳  
唐子方言文潞公方仁宗大怒顧曰宰相時宰相晏殊  
文彥博皆在樞密使龐籍以使相在殿傍聞語高亦登  
對叱介下殿按晏元獻公慶歷四年罷相去此十年矣  
龐莊敏時亦不帶平章事

皇祐二年二月丙寅追封故宰臣王曾妻南陽縣太君  
蔡氏為莒國夫人繼室贊皇縣太君李氏為沂國夫人

曾弟天章閣待制右諫議大夫子融辭一官乞追封之

注曾為宰相有年何以妻無封而子融為請當考出李燾長

編按國朝舊制大臣封妻則先亡者不得封故宋子京

為沂公墓志云公始合姓于蔡又合姓于李繼室以其  
妹後夫人獨偕老故啟許因享脂田焉據史蔡李二夫  
人皆稱太君則必以其子升朝而加贈是以未得因名  
也仁宗以後大臣妻存亡者皆得因封視舊制為優但  
未見所始耳

皇祐四年二月傳永為戶部副使初閔中用折十鐵錢  
盜鑄不可勝計公私患之永請變錢法至境問民所乏  
貸各種糧錢令麥熟納償而薄其息民大悅永巫檄州  
縣凡散二百八十萬緡大錢悉盡乃以聞已而朝廷變  
法遂下令以小折鐵錢三折大折鐵錢一民出不意破  
產失業自經死者甚衆而盜鑄亦以衰止注永前貸民  
大錢今但取小錢又以小錢三折當大錢一其名似優  
貸者其實陰奪盜鑄之利也永傳載此事殊不了了今

畧如刪潤使易曉出李燾長編按此傳永設策以罔民也解  
之誤矣永初議廢大錢以官積大錢多慮虧國計故先  
以貸民而後更法方其貸時出大錢二百八十萬緡尋  
遂更制則民間實止為八十四萬緡爾其後縣官但按  
元籍取償故民不意破產失業至於自經使永出十而  
取三則何用巫檄州縣盡散大錢乃以上聞使貸者得  
大錢萬而償小錢三萬則當樂輸矣而何為失業自經  
耶故政和中改當十大錢為當三先數日執政爭輦大

錢市金銀既而救下中外傳以為笑即此比也永之策  
大抵使官無所虧而民受其惠實甚誤矣

至和元年八月梁適除觀文殿大學士注碧雲駮言適

除大觀文由內降按舊相除觀文殿大學士非異恩也

疑碧雲駮毀適太甚今不取出李燾長編按梁莊肅罷相七

月戊辰也除觀文大學士八月丙午也相去才二十九

日故事宰相以言罷其除職未有如此之遽者當是內

降不疑以例考之晏相殊罷政後歷三州始除觀文殿

王

大學士杜衍終身不除職廢相籍罷政後二年始除

節度使知并州皆十年內事耳梅聖俞當有所據而云

至和元年九月呂溱正洙並為翰林學士故事翰林學

士六員時楊察趙槩楊偉胡宿歐陽修皆為學士於是

察加承旨洙蓋第七員也温成皇后之喪洙附會時事

鈎撻非禮陳執中劉沆喜其助已故擢洙員外議者非

之出李燾長編按學士年表太平興國八年五月在院學士

李文恭宋文安呂文穆賈媯民李言幾凡五人而扈日

用為承旨徐鼎臣兼直院蓋七人也慶歷八年十二月  
至皇祐元年三月在院學士王文安孫文懿趙康靖錢  
修懿葉道卿彭利建及楊公偉凡七人嘉祐元年二月  
至二年七月在院學士趙康靖胡文恭歐陽文忠孫文  
懿王文恭曾宣靖及楊公偉亦七人非始于王原叔也  
三朝會要云學士無定員燕所云蓋據王岐公續會要  
所書爾

仁宗至和中鑄錢文曰至和元寶至和通寶皆真篆書

二品至和重寶真書一品仁宗嘉祐元年鑄錢文曰嘉  
祐元寶嘉祐通寶並真篆文二品闕下

嘉祐元年范鎮請立皇嗣疏注周王薨真宗養宗室子

當考出李燾長編按真宗皇帝聖嗣未立嘗以綠車髦節召

濮安懿王養之宮中蜀公所言蓋指此也

進退宰相具帖例州儀皆出翰林學士舊制學士有闕  
則第一廳舍人為之嘉祐末王荆公為周老會學士有  
闕韓魏公素忌介甫不欲使之入禁林遂以張方平為

承旨盖用舊學士也既而魏公罷政議論皆出安道之  
手副書按内外制題名記雍熙二年學士扈日用罷蘇  
太簡自第三廳舍人代之而趙昌言宋準皆位太簡上  
不問也淳化二年學士闕召韓丕諫議及畢文簡為之  
而躡向文簡四年韓畢罷錢宣靖為第二廳舍人代之  
而遺柴承務至道初錢公入宥府宋持正王元之以第  
三第四廳繼之而復遺呂祐之和蒙其後若祥符中李  
相州王沂公並入翰林而躡朱周老紫天聖中錢希白

蔡文忠章文憲繼除學士而躡張瓘老尚賢如此者多  
矣治平初王荆公除内艱累召不至若便除北扉恐無  
此例韓公雖忌王然以故事考之未見其失仁宗實錄  
天聖四年五月丁丑蔡齊章得象並為學士時舍人院  
無知制誥特詔學士夏竦艸詞按張師德此年閏五月  
辛未始以左諫議大夫出院盖此時師德正移疾耳  
治平四年十一月知諫院陳薦楊繪皆請治薛向种諤  
之罪以安夏人不聽副書按陳薦知諫院在熙寧元年

正月其二月种諤乃貶此不當附在四年又云不聽也  
熙寧元年七月戊戌知諫院錢公輔言祠部遇歲饑河  
決鬻度牒以佐一時之急請自今恩賜度牒皆減半從  
之注前此未嘗書賣度牒因公輔言表而出之鬻度牒  
蓋始此年開書按實錄治平四年十月庚戌賜陝西轉  
運司度牒千羅穀賑濟此云始於熙寧元年蓋誤  
龍衮著江南野錄云歐陽觀義行頗腆先出其婦有子  
登科詣之待以庶人觀乃文忠父文忠自識其父墓初

塵

無出婦之玷矣與文忠為鄉曲豈非平時有宿憾與夫  
祈望不至云爾不可不為之辨出王明清揮麈後錄按歐陽公澆  
困阡表以熙寧二年立而云既葬之六十年逆數之葬  
時公才四歲耳表中雖不見出婦事然以志考之觀年  
五十九卒官而鄭夫人年方二十九必非元配蓋觀已  
出婦其子固難言之歐陽公撰族譜云觀二子昞當是  
其前婦之子所謂卒賴以葬者也文忠後任昞之子嗣  
立為廬陵尉見焚黃祭文中又文忠貶滁州謝上表云



同母之親惟有一妹足見所為前母之子無疑仲言雖  
欲為歐陽公諱之其意甚美然非事實况觀之前婦實  
有過亦未可知孔子思尚明言之特歐陽公不可自  
言他人何諱之有

祖無擇知杭州王介甫惡之監司承風旨以贓濫聞遣  
御史王子韶按治鍛鍊無所得坐遺遊客酒三百小瓶  
青節度副使安置士大夫冤之同時有知明州苗振監  
司亦因觀望發其贓罪朝廷遣張橫渠先生按治悉平

反之罪止罰金其幸不幸有如此出邵伯溫前錄按實錄熙

寧二年九月詔御史王子韶體量苗振不法事閏十一

月命沈衡鞠祖無擇于秀州徐九思鞠振于明州皆以

王子韶得其不法事故也尋改命張載劾振明年七月

無擇貶散官居壽州九月振貶散官居復州邵寶甚誤

王安石薦李定陳襄彈之未行間除御史宋次道李大

臨蘇子容不艸制封還之其後攝官修起居章衡行下

賢不肖於此可見出韓瓘編按李資深制乃直舍人院

蔡仲遠行之非章衡也

國朝致仕官帶職政陽公始以太子少師帶親又殿學士致仕示特恩也故謝表曰道愧師儒乃忝春官之峻秩身居猷畝猶兼書殿之隆名自是以為例

出王明清揮麈前錄

按國朝臣僚帶職致仕自熙寧四年二月王仲儀始是年六月政陽公乃還政非事始也

熙寧四年十月庚申利路轉運判官屯田郎中鮮于侁權發遣轉運副使初詔諸路監司各定助役錢數轉運

使李瑜欲定四十萬侁以為本路民貧二十萬足矣矣瑜議不合各具利害奏上是侁議因以為諸路率仍罷瑜而侁有是命又云鄧綰言瑜務聚斂提刑周約同簽書乞重黜以警諸路瑜約皆坐責尋復之

出李燾長編按實

錄此年十月丁巳利路轉運判官鮮于侁為副使後二十日丁丑利路轉運使李瑜以判三司都理欠憑由司召乃是美遷明年四月戊午御史張商英言知州周永懿以賊敗轉運使李瑜提刑周約嘗文章薦舉不可不

懲詔獄具取旨後瑜約及同提刑羅居中皆坐奪一官  
據此則初不緣役錢二書皆誤

熙寧四年十一月太學講官六員焦千之王汝翼梁師

孟頽復盧侗皆罷獨留蘇液出李燾長編按實錄十一月戊

申判國子監常秩言考定直講焦千之王汝翼為上等

梁師孟頽復盧侗為下等詔悉罷之是年十月丙辰蘇

液已先除杞密院檢詳文字未嘗留液也元祐實錄差

誤紹聖史臣已辨之子復又誤矣據紹聖元年中書舍

人同修國史蔡卞奏一取到國子狀蘇液熙寧三年離  
監千之等係四年十一月罷職今修實錄官稱留液未  
悉憑何文字修纂

熙寧五年三月戊戌富弼授司空兼侍中致仕闕書按

富公實以衮鉞挂冠此云左貂蓋誤

熙寧五年九月先是檢正官章惇使湖南張商英為通

川縣主簿惇嘉其才而薦之闕書按章子厚以五年七

月使湖北張天覺四年十二月己除中書檢正官蓋子

卷之三

厚四年三月使渝州時薦之此誤記也商英時為武寧軍節度推官知渝州南川縣

今疑令

熙寧六年北人遣蕭禧來議地界事詔韓王汝館伴至驛神宗令李舜舉以朱筆畫一圖子示禧依此分撥舜舉初不與館伴議遽出圖韓急顧舜舉取置懷袖禧果欲索看韓云李御葉自兵車論它事即已因入奏面陳山川形勢纖悉皆繫利害不可輕許神宗云卿言大是朕思慮初不至此闕書按史熙寧七年三月丙辰遼王

主

懽

使與復軍節度使蕭禧來求蔚應朔三州並邊之田先是正月丁未命知忻州蕭士元樞密院兵房檢詳文字呂大忠與北人議地界禧既至後五日又命太常少卿劉忱同商量癸亥入辭報書曰竊惟兩朝撫有萬宇豈以尺土之地而輕累世之惟當遣官司各加覆視僮事由夙昔固難徇從或誠有侵踰宜怯改正甲子遣天章閣待制河北都轉運使韓縝報聘大忠乞命樞密院錄前後詔據文字令縝齎至北庭使遼主知本末其後縝

舊開登吳卷二

遺疑遺

至遼不果致但與押燕蕃相仲熙畧相酬對而還四月  
丁酉遼主遂遣枉密副使同平章事蕭素來議地界于  
代州境上素自以使相欲主南向忱等不許事聞九月  
戊申詔忱與素等會于大黃平用賓主禮相見時大忠  
以憂去詔忱持議不諧則許以南北堡鋪中間為兩不  
耕地又不可則以中間為界素不從朝議以士元失辭  
十一月丙申起復大忠尚門副使知石州代士元議事  
忱與素三會于大黃平素漫指分水嶺為界忱不許相

持久之八年三月庚子遼主再使禧來聘書詞不遜于  
是王安石再入相曰將欲取之必姑子之辛丑詔輔臣  
及忱大忠同對資政殿二人執不予安石不然之更遣  
續及枉密都承旨張誠一乘傳至河東與遼人會議大  
忠又言遼人所求地西起雪山東接雙泉為地五百里  
不可聽又言遼人利吾金帛兵弱而惰城池器械不精  
民苦虐政又慮西夏塔坦乘之其不可動者五請姑以  
五寨及治平中所侵十五鋪予之安石不從己酉詔大

忠持餘服續將行上遣禧復命禧不聽又遣內侍李舜  
舉諭以長連城六蕃嶺許之禧不受命壬子詔輔臣對  
資政殿癸丑命知制誥沈括報聘戊午括等對資政殿  
時禧留京師已踰月上許以遼人見開濠塹及置鋪所  
在分水嶺為界又以報書示之丙寅禧乃辭去括亦行  
七月丙子遣續河東分畫戊寅又遣四方館使李評十  
月己酉又遣樞密丞曾季寬十二月辛亥續畫地界  
還除群牧使十年六月壬寅續以分畫之勞賜金帶十

二月癸巳上地圖蓋自七年之春至十年之冬前後歷  
四年而地界始畢凡東西棄地七百餘里其後元祐間  
臺諫累章劾續奉使辱國而罷相者此也伯山謂王汝  
館客時持不許之論上以為然全失其實

地界事久不決神宗令近璫劉惟簡齎手劄責韓玉汝  
云疆事訪問文彥博曾公亮皆言南北通好百年生靈  
得以休息有所求請當且隨宜應付朝廷已許而卿猶  
固執萬一北敵生事卿家族可保否韓具奏敵情無厭

累朝以來常患應接太遽致令得遂狡謀臣不敢以家  
族為慮上誤國事上察其忠賜以御服貂裘闕書按熙  
寧七年十月壬申上以北人說詞求地不已遣使問韓  
富曾文四公於外韓忠獻言北人見形生疑謂我有復  
燕薊之意其事有七宜遣使報聘諭以疆土素定其可  
疑之形如將官之類則因而罷之富文忠言朝廷諸邊  
用兵敵所以先期啟釁不若委邊臣持舊來圖籍與之  
詰難萬一入寇但嚴兵備之文忠烈言敵人之請宜以

### 犯嚴

哲書折之若萌犯順之心當預嚴兵備曾宣靖言宜遣  
人報聘以不可侵越諭之萬一犯邊先絕其歲賜蓋四  
公悉持不予之論此云文曾皆言宜隨宜應付矣  
馮當世為樞密使三司火神宗御右掖門視之顧近璫  
曰急促馬步司就近遣兩指揮兵士救之當世奏曰故  
事發兵須得樞密院宣旨近臣傳宣發兵此事不可啟  
上然之即于榻前出宣付近璫而出神宗數嘉之時論  
以為得體出王革聞按實錄熙寧七年九月三司火考

之國史馮文簡以熙寧三年六月自翰林除樞密副使  
九月遷叅知政事九年十月自成都召知樞密院事元  
豐三年九月遷使當三司火時文簡實在政塗陳成肅  
升之為樞密使吳正憲克恭敏肅挺為副使定國謬也  
是月馬帥賈逵步帥宋守約皆坐不救三司火逵降秩  
守約罰金定國謂遣馬步兩指揮恐誤矣

熙寧中王和甫尹用封忽內降文字一紙乃陳首有謀  
亂者姓名凡數十人內有一薛六郎者居甜水巷以典

庫為業和甫以礼呼至密問其何人為冤薛言有族妹  
之子近來借貸不從怒罵而去和甫追其甥方在瓦市  
觀傀儡戲失聲曰豈非那事踈脫也既至不訊而服和  
甫曰小鬼頭沒三思至此何必窮治杖而遣之一府歎  
伏出王明清揮塵後錄蔣子礼所吹其曾大父頴逸史與此大意  
畧同但所告凡八十人所呼乃張三郎居城北所怨乃  
劉永祚學究和甫令永祚覆寫其書皆同上遣內侍馮  
宗道監鞠斬永祚于市未幾和甫除右承心傳按蔣書

傳



晉末最詳當以為正考之因史和甫以元豐五年自將府  
尹拜右轄熙寧中尚未尹用封王錄誤也况告數十人  
反詔獄窮治不實而但杖遣之恐無此理

畫

京朝官四年磨勛原無著令熙寧中審官院率行之至  
今以為制出張芸叟按國朝舊制百官無磨勛遇郊赦  
則遷一官真宗用孫漢公之議始命京朝官三年一進  
秩其後天禧天聖明道景祐慶歷之際沿革不常治平  
三年始著令待制以上六年遷二官京朝官四年遷一

官芸叟誤也

元豐初蔡確排吳充罷相王珪畏之引為執政確謂珪  
曰上厭公矣珪曰奈何確曰上久欲收復靈武公能任  
責則相位可保也珪喜謝之適江東漕張琬有違法事  
帝語珪欲遣官按治珪以告都檢正俞允琬知之上章  
自辯帝以詰珪珪謂充曰某與君俱得罪矣然有一策  
當除君帥環慶亟上取靈武之章上喜罪可免乃除充  
待制帥環慶其後遂有靈武之役推其兵端由王珪避

漏泄上語之罪也闕書案實錄元豐三年五月知慶州  
俞克罰銅三十斤坐為都檢正日江東漕何琬劾知潤  
州呂嘉問克以語人章未下而嘉問上疏自理也此時  
克帥環慶久矣方蔡新州執政吳正憲公尚在位子文  
所記不必審

詔議濮王典禮王珪與禮官合奏王宜稱皇伯三夫人  
當封大國執政不以為然其後三夫人卒如珪議闕書  
按史三夫人未嘗加封故李邦直熙寧八年撰韓魏公

五

行狀曰英宗所生迄今為仙遊縣君識者皆疑其非禮  
意元豐二年五月始詔三夫人並稱曰王夫人遷祔濮  
園未嘗封大國也李邦直撰禹王神道碑亦云治平中  
議追尊濮王公執用封期親尊屬故事執政以為不然  
公持之卒不奪其後諫官御史爭論久不決帝以手詔  
裁定多如其初邦直所云但指不稱皇耳此謂三夫人  
卒如珪議者實甚誤

近歲前執政官到闕止繫御仙花帶從官非帶學士亦

不敢繫待制自如本品無職則在庶官班中皆繫皂帶  
蓋閣門之制不知衝改始何時闕書辨云元豐二年元  
絳罷政以本官知亳州特令服金帶如學士則非特旨  
雖學士所謂金帶亦不得矣大觀初著令前執政許服  
毳文帶而此書所記近歲閣門之制又如此何耶元厚  
之許服帶如學士謂得繫御仙花金帶仍佩魚也厚之  
以言罷不帶職故以此優之此云非特旨雖學士亦不  
得蓋誤矣淳熙中王仲行罷吏部尚書不帶職帥浙東

入辭服金帶佩魚而入閣門吏却之乃去魚不可則改  
紅帶又不可則卒改皂帶仲行甚不平後數年始有旨  
前侍從不帶職許服紅鞞黑犀帶仍佩魚遂為故事

元豐五年十月壬申發常平錢八百萬緡成元豐庫注  
張舜民小史云神宗于崇政殿後設二十四庫或即元  
豐庫嘗考實錄卷末云每庫以詩一字目之詩凡三十  
二字又別置庫賦詩二十字不知庫名出李燾長編按因史  
食貨志上即景福殿庫聚金帛元豐元年始更庫名凡

三十二字以真宗實錄考之景福殿庫崇政殿後庫內  
藏庫皆一庫也蓋藝祖始下諸國聚其金帛於講武殿  
後廊謂之封樁庫太平興國三年十月改九藏北庫為  
內藏庫改封樁為景福內庫併隸內藏而講武殿旋改  
為崇政張芸叟所云即內藏耳元豐庫神宗所創在大  
府寺南非崇政殿後庫明甚

以圖恐倒  
國初以來開封府未嘗三獄同空元豐五年王安礼知  
府乃謀作天府獄空以圖進用時有御史劾其詐妄朝

廷按視獄皆空御史以罪斥安礼拜右丞紹聖崇寧以  
後躐進之徒用此術奏獄空者多矣朝廷遂立遷一官  
為賞格長編五年四月丁巳注鮮于綽云中行坐論安  
禮獄空綱書按實錄元豐五年四月開封府言三院  
獄空詔知府王安礼進一等大理卿崔台符言本寺獄  
空詔台符減三年磨勘會五月大改官制安礼以翰林  
學士與同列蒲宗孟俱執政蒲尤丞王右丞時侍御史  
蒲中行以與安礼爭盜賊名簿不實罷非為劾獄空也

據國史天禧四年五月開封府比歲獄空蔡所記四者皆謬

元豐六年六月丁巳執政將劾大辟不應讞者刑部郎中韓晉卿適白事省中因曰讞而獲戾讞不至矣朝廷從之出晉卿傳按實錄是日詔大理寺刑名疑慮及情法不稱奏裁公案送定斷官看詳如非疑慮及情法不稱並免收坐從本寺請也此時晉卿為大理少卿所書刑中及因白事皆小誤

元豐七年三月己巳編勅成自嘉祐後立開封盜賊重法後稍及曹濮澶滑等州至元豐更定其法於是河北京東淮南福建等路用重法郡縣浸廣矣注刑法志有此不得其時因編勅成附見出李燾長編按實錄嘉祐六年初命開封諸縣盜賊囊橐之家立重法治平二年九月命開封府判官王靖提舉捉殺府界及曹濮澶滑州未獲盜賊三年四月五日遂以開封之長垣考城東明縣及曹濮等四州為重法地分熙寧四年正月丁未淮南

之宿州京西之滑州河北之澶州京東之濮州凡十三  
州並行重法十年五月八日安厚卿以中書檢正官體  
量河北京東盜賊又請之六月壬午詔山東河北十七  
州皆行重法曹澶濮州仍在其中十二月癸卯又行之  
福建下四州此云不得其時何也蓋立盜賊重法自嘉  
祐至熙寧而刑法志云元豐蓋史官之誤  
韓魏公父諫議大夫因華嘗仕於蜀蜀中士人胡廣善  
相術見諫議而奇之曰是必生貴子請納女焉後諫議

守泉生魏公於泉州州宅闕書按李邦直撰魏公行狀  
云公之所生母胡氏蜀士人覺之女追封秦國太夫人  
此云名廣蓋誤

故事命相皆用上旬剛日元豐八年拜蔡韓二相以五  
月二十六日蓋鄧溫伯失之闕書按史神宗一朝命相  
韓康公王荆公以十二月十一日韓康公再相以四月  
十九日王荆公再相以二月十一日吳沖公王岐公拜  
相以十二月二十三日蔡持正拜相以四月二十二日

皆在中下旬且荆公歧公持正制出皆柔日也諺叔徒  
見熙寧中富鄭公拜相以二月二日故有上旬之論不  
知亦偶然耳如太祖初拜趙中令為相乾德二年正月  
十三日也仁宗慶曆三年改命二相四月二十一日也  
至和二年並命文忠烈富文忠六月十一日也此三者  
不為不審矣然皆在中下旬中興後秦會之朱藏一趙  
元鎮張德遠葉夢錫等亦以下旬大拜初無所拘此說  
抵牾


# 會

# 豆

孫叔易言嘗見監朱僊鎮使臣云少日作吳冲卿丞相  
直省官親見元豐中郭達討交趾以重兵壓富良江與  
交人止一水隔冲卿忌其成功堂帖令班師達是遯不  
進交人大入全軍皆覆達坐敗秩伴儲冲卿孫也大觀  
中以左道伏誅盖天報之云出王明清揮塵後錄按因史郭仲通  
以南伐得罪詔獄窮治後得吳丞相書云安南事宜以  
經久省便為佳時丞相已病由是憂畏而亮未嘗下堂  
帖也盖冲卿本意不欲取交州地為得之不足守而勤

傳

供費耳使仲通成功丞相必受上賞又何忌邪况班師  
大事不得旨而下堂帖丞相且獲罪不輕詳見心得所  
著建炎以來繫年要錄



舊聞證誤卷二

真和葵文



